



Broj: 0602-355-12/26

Sarajevo, 24.06.2026. god.

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), član 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatovan u Zapisniku o pregledu i ocjeni ponuda broj 0602-355-11/26 od 22.06.2026. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku roba „Nabavka betonskih kulir ploča“ u vrijednosti 424.840,00 KM bez uključenog PDV-a, odnosno 497.062,80 KM sa uključenim PDV-om, koja je prema kriteriju za izbor ponude (najniža cijena) ocijenjena najpovoljnijom ponudom dodjeljuje se ponuđaču BG Energo Tim d.o.o. sa registrovanim sjedištem u Proleterskih brigada 7, Prijedor.

Član 2.

Ponuda ponuđača „Bossin“ d.o.o. Mostar, se odbija u skladu sa članom 68. stav 4, tačka i) Zakona o javnim nabavkama („Službeni glasnik BiH“ br. 39/14, 59/22 i 50/24) kao neprihvatljiva za ugovorni organ, jer ponuda ne ispunjava uslove iz tenderske dokumentacije.

Član 3.

U skladu sa članom 70. stav 6. Zakona KJKP „POKOP“ d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđaču koji je učestvovao u postupku nabavke.

Obrazloženje

KJKP „POKOP“ d.o.o. Sarajevo je u skladu sa čl. 18. i 25. Zakona o javnim nabavkama pokrenuo Otvoreni postupak za nabavku roba „Nabavka betonskih kulir ploča“.

Na portalu javnih nabavki objavljeno je obavještenje o nabavci broj 775-1-1-43-3-67/26 objavljeno dana 05.05.2026. godine i u „Službenom glasniku BiH“ broj 33/26 od 08.05.2026. godine.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 19.06.2026. godine u 10:30 sati u prostoriji KJKP „POKOP“ d.o.o. Sarajevo, Mula Mustafe Bašeskije 38, Sarajevo, što je konstatirano u Zapisniku o otvaranju ponuda u skladu sa Zakonom o javnim nabavkama („Službeni glasnik BiH“ broj 39/2014, 59/2022 i 50/2024).



Komisija je na javnom otvaranju konstatirala da su svoje ponude predala 2 (dva) ponuđača i to: Bossin d.o.o., Ortiješ bb, Mostar i BG Energo Tim d.o.o. Proleterskih brigada 7, Prijedor.

Komisija je prema članu 65. ZJN pristupila pregledu i ocjeni ponuda, što je konstatirano u Zapisniku o pregledu i ocjeni ponuda koji je sastavni dio ove Odluke.

Na osnovu Pravilnika o uslovima i načinu korištenja e- aukcije, a koju je ugovorni organ predvidio u tenderskoj dokumentaciji, nakon otvaranja i evaluacije ponuda, te obzirom da je Ugovorni organ zaprimio jednu prihvatljivu ponudu, u slučaju prijema jedne prihvatljive ponude e-Aukcija se ne zakazuje.

U postupku donošenja ove Odluke, posebno su cjenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača BG Energo Tim d.o.o. sa registrovanim sjedištem u Proleterskih brigada 7, Prijedor, iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentacijom za predmetni postupak.

Shodno prijedlogu i preporuci Komisije za javne nabavke betonskih kulir ploča u vrijednosti 424.840,00 KM bez uključenog PDV-a, odnosno 497.062,80 KM sa uključenim PDV-om dodjeljuje se ponuđaču BG Energo Tim d.o.o. sa registrovanim sjedištem u Proleterskih brigada 7, Prijedor, koji je u otvorenom postupku podnio prihvatljivu ponudu u skladu sa tenderskom dokumentacijom, koja je prema kriteriju za izbor ponude (najniža cijena) ocijenjena najpovoljnijom ponudom.

Ponuda ponuđača Bossin d.o.o. Mostar odbija se kao neprihvatljiva iz sljedećih razloga:

Komisija za javne nabavke je pregledom dostavljene ponude utvrdila da ponuđač Bossin d.o.o. Mostar nije dostavio Izjavu dobavljača (Aneks 2), koja je tenderskom dokumentacijom određena kao obavezan sastavni dio ponude.

Tenderskom dokumentacijom propisano je da su ponuđači obavezni dostaviti uredno popunjene i ovjerene obrasce koji čine njen sastavni dio. Izjava dobavljača nije dokument formalnog karaktera, već predstavlja izjavu volje ponuđača kojom isti potvrđuje da prihvata sve odredbe tenderske dokumentacije bez rezervi ili ograničenja, potvrđuje da ponuđena roba odgovara zahtjevima iz tenderske dokumentacije, izjašnjava se o podugovaranju, roku važenja ponude, preuzima obavezu dostavljanja dokaza o ispunjavanju kvalifikacionih uslova i garancije za uredno izvršenje ugovora, te prihvata prava i obaveze iz nacrtu okvirnog sporazuma.

Nedostavljanjem Izjave dobavljača ponuđač nije dostavio svoju izričitu izjavu o prihvatanju navedenih uslova i obaveza, zbog čega ugovorni organ nije mogao utvrditi da je ponuda podnesena u skladu sa zahtjevima tenderske dokumentacije niti da ponuđač bezuslovno prihvata sve uslove postupka javne nabavke.

Imajući u vidu da Izjava dobavljača predstavlja obavezan sastavni dio tenderske dokumentacije, njeno nedostavljanje znači da ponuda nije pripremljena u skladu sa zahtjevima tenderske dokumentacije, te kao takva ne ispunjava uslove propisane tenderskom dokumentacijom.

Shodno navedenom, Komisija za javne nabavke konstatuje da se ponuda ponuđača Bossin d.o.o. Mostar odbija u skladu sa članom 68. stav (4) tačka i) Zakona o javnim nabavkama Bosne i Hercegovine, budući da ne ispunjava zahtjeve iz tenderske dokumentacije.

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:


Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Kopija zapisnika o pregledu i ocjeni ponuda.

DOSTAVITI:

1. Ponuđačima x 2;
2. Nadležnoj službi;
3. a/a Preduzeća.



Sačinila:

Kontrolu izvršio